

開原縣志

全
自第

冊
三

98
冊

函
4819

4



遼東省
遼寧省
遼西省
遼北省
遼南省
遼東省
遼寧省
遼西省
遼北省
遼南省

實業

人民之生活以財用為要需必生利多而分利少財用乃日臻於充裕實業者生利之本源也我開地居邊遠一切新興各實業難得其風氣之先幸早有農工商賈尙能舊貫是仍故民生不至過於困敝然工作未知改良創造乏人提倡處此門戶洞開之世生活程度日增非從實業講求恐未能不為分利者累也

農業

我國以農立國東省土地肥沃尤為農業最著之區開原西南北三面為一小平原東境南柴二川兩岸水田亦日漸開拓計居民業農者平均約百分之六十地利所出大豆紅糧佔大多數穀及小麥亦不少財產豐富之家出傭資僱農工以從事田畝財產薄而人力足者或租富家田地而為之納租或為富家佃戶而與之分糧皆不憚勞苦以勤工作每值農忙時需人甚眾有計月受資者稱為月工計日受資者稱為日工甚或摘綿耘草女子亦工焉秋成收穫早起晚歇男女尤為勞瘁稱為忙秋故有三春不如一秋之諺惟

閉場以後工作既懈謂可資休息以節其勞乃由十月起至正月末此三四月內業農之青年飽食無事習爲放浪借薄樗爲消閒之具奸黠輩因以漁利而飽貪囊遂致各鄉農隙賭博成風誠改良風俗之一大障礙也雖警甲清鄉不無禁止而有名無實僅具文耳任化民之責者果爲正本清源計籌設臨時工廠以收容之使於賦閒時亦作勞工庶不至無所用心而流爲邪僻焉

農時

開原地居本省東北隅氣候熱遲而寒早就山海關內比較之約相差半月清時每歲正月守土者例有迎春禮期前一日於東門外先農壇前行之考夏正之正月即周時之三月詩爾風云三之日於秬即此之謂也若就本境言之正月時凍猶未解來秬安可用乎此立春正月節所有事也雨水節爲正月中此時爲計畫農事之期或出租招佃或僱用長工皆於此時始事此後爲驚蟄二月節各農家有種大麥者雖冰未盡釋亦於此時播種蓋麥性耐寒最宜早種且恐冰雪釋盡水澤易於滲下倘值春旱麥苗轉患枯乾矣至

春分節爲二月中乃園圃栽蒜之時二麥及豌豆菸葉等類皆可於此時種之清明三月節政府定爲植樹節此日各家皆掃墓植樹田家農功每以此日證春時之寒暖以定種麥之後先蓋謂天寒由於節氣晚天暖由於節氣早故有二月清明麥在先三月清明麥在後之諺語穀雨節爲三月中正宜播種之期蓋天時漸暖地氣正潤播種不宜再遲也立夏爲四月節此時陽氣方盛五穀蔬菜甜瓜等類播種最宜小滿爲四月中此時播種始畢新苗多出麩麥始秀芒種五月節農田種五穀以爲播種之限諺云過芒種不可強種即指此時也小麥始秀早播種者以此爲耕耘始期宜分秧植葱及薯等類夏至五月中苗已漸長莠草易生必於此時再耕耘之此期內農家正忙所謂晝出耘田夜績麻開境爲此時爲然小暑六月節大麥登場矣種棉者剪棉尖種萊菔者始播種普通五穀之三耕耘至此已畢大暑六月中小麥登場矣謂之麥秋耕耘期過大雨時行河水漲落無定沿河農戶或網漁或駛船間有慎固隄防以備水滂者此時宜種蕎麥綠豆等晚田及秋耘晚蔬等類而已立秋七月節瓜已熟農家種青麻早黍者於此期內刈之更採菸葉

曝園蔬爲禦冬之旨蓄處暑七月中此期溼氣極盛穀苗皆秀農諺有處暑不出頭割去
喂老牛之語即謂此時也又謂之麻錠秋因農家於此時收穫麻錠也山柞重發新葉我
開東境養蠶家皆可以飼秋蠶白露爲八月節早禾漸有熟者農諺有之白露見高粱攢
蓋五穀已熟之先兆也開境負郭之田半帶沙性土故收穫期較早此期內可竣焉秋分
八月中五穀皆熟農人徧田畝大半皆先刈大豆爲赴站首賣可得昂價故也次及高粱
又次穀子最後乃爲雜糧此期內田中禾稼必盡數刈穫故農人有秋分無生田之諺寒
露九月節禾稼已盡登場農家築場圃備連枷安碌疇以軋取子粒並收穫晚菘採摘草
棉山農有果園者亦於此時採取赴城站出售焉霜降九月中滿場比櫛崇墉各工人均
早起攤鋪禾稼軋取子粒借風力以簸揚之乃收入倉廩以爲蓋藏計長工皆於此期內
辭去山居之農家或伐薪爲炭運往城站出售各地有森林者亦皆砍伐修剪以供燃料
其家人皆漬秋菘以備禦冬立冬十月節爲農家運售五穀之始期距市稍遠者可間日
一至距市較近者或日一至焉小雪十月中農家無事勤業者或預犁其田以備來年播

種之用亦或借車馬之力代無力者赴城站售糧而取其傭值洵爲兩家之便利大雪十一月節開境東南北各區山林叢雜農人有以此時行獵取山雞狐狸者亦月令山林藪澤取蔬食獵禽獸之遺意也惟居少數耳冬至十一月中日短至冰日壯地始坼居民塞向墜戶無事休息惟農家有車馬者運糧貨往來便利蓋道路平坦橋樑修築無險阻之患也小寒十二月節農人惟圍爐績麻與家人笑語或談故事以爲消遣亦歲晚務閒之樂事也大寒十二月中終年費用胥於此期內作一結束償索各家川換講祭物貼春聯籌備新年用品農家之事除二十四節外更有以時計者舊例三年一糞其田此三年中第一年因肥料散在地面必用犂深耕其土高起壟臺使肥料得入土中以培壅種子而吸其有益之原質謂之翻茬所種以大豆爲宜肥料愈佳者豆實亦愈肥美第二年肥料已與土合若再用翻法恐壟臺高而土易乾燥故必淺開壟頂布種而平其土使地中肥料備滋潤以暢種子之生機謂之懷茬所種以紅糧爲宜第三年肥料之力已耗大半其種植之法破壟必更輕上覆之土必更薄使苗易於出土而受風日之暄蕩所種以

穀子爲宜翻茬與懷茬相間使今歲翻茬之壟底爲明年懷茬之壟頂更換用之以盡土之力而不使疲乏即漢搜粟都尉趙過教民爲代田之遺法也是謂之三大茬過三年則更冀其田法亦如之租佃他人之地最喜者爲接第一年之豆茬價值必昂至三年之穀茬則須租佃者另備糞爲現年肥料故租賣亦較低近年肥料日貴租地必立契約且必定以三年蓋恐糞茬之餘力未盡或爲他人巧得耳又有迎茬重茬之說迎茬未至肥其時而遽種之之謂重茬者已過其時而仍種之之謂蓋大豆高粱穀子各有其相者宜料之分配三年所以截長補短也若豆茬與高粱茬全過則肥料之力愈形減少較豆茬初過之第二年尙不如也故農人有寧種重茬勿種迎茬之諺蓋指大豆而言也與其肥料收盡之年而種大豆莫若於肥料稍減之年而種大豆得利尤覺易也然使不三年而冀田則肥料增多大豆之產額亦富改良農業亦其小試一端

土宜

縣域東爲一區屬清河流域土壤肥瘠不同西半少山嶺土性頗肥沃地勢平坦大豆高

梁穀子爲宜東半則山嶺較多土性稍瘠所種在平及者亦以大豆高粱穀爲宜山地或間種花生草棉而較平原多山柴刈之可充燃料近清川兩岸更有水田之利宜於種稻木宜松榆楊柳牲畜宜騾馬牛羊豕二區亦在城東屬清河流域其農田連山近河爲半舍砂質之土宜種大豆高粱穀子草棉句米麥粟等類山柴亦多樵採之法以全山分爲數段每歲分刈其一則年年可有山柴意與代田同木宜榆楊柳山麓更宜柞可用飼蠶牲畜則宜騾馬牛羊豕縣城北境東半爲三區屬滙河流域其土壤肥者多而瘠者少雖有山而勢多平坦可以墾田亦宜種大豆高粱穀子玉蜀黍等類山柴不能盡有木宜楊柳榆柞牲畜宜騾馬牛羊豕縣南境爲四區屬清河沙河流域有山無多勢多平坦墾田以種草棉穀子尙爲適宜清河兩岸最宜種稻近來各村多有獲其利者其他一望平原土多肥沃宜種大豆高粱穀子粳子黍粟等類木宜松榆楊柳牲畜宜騾馬牛羊豕縣城西境爲五區境內無山岡屬遼河亮子河馬鬃河流域土壤肥沃西近遼河一帶勢稍窪下昔多水滂之患近則河淤之地不冀而肥宜大小二麥大豆高粱粳子稗子等類東近

縣城一帶土舍沙性地多高燥宜大豆高粱穀子糖蘿蔔菜豆小豆等類木宜楊柳榆牲畜宜騾馬牛豕縣城北境西半爲六區屬馬鑿河亮子河流域稍有平岡已多半墾田土質較高燥最宜種穀子而大豆紅梁小豆菜豆等類亦宜但必勤冀其田耳木宜楊柳榆牲畜宜騾馬豕牛縣城東南境西半爲七區屬沙河流域山嶺多而平原少土質肥瘠各半宜大豆紅梁穀子黍稷草棉稗子等類木宜楊柳榆松柞果宜山杏梨杏牲畜宜騾馬牛羊豕縣城東南境東半爲八區屬柴河流域山最多土質瘠多而肥少農家擇可耕之地墾爲田亦宜大豆高粱穀子稗子黍稷等類木宜松榆楊柳柞果宜山楂梨杏野萄牲畜宜騾馬牛羊豕縣城內爲第九區雖無農業之家而園圃甚多土宜亦當詳述本城以街心鐘樓處地勢爲最高故近街心之園圃較近女牆者土質爲美最宜大蒜晚菘每年爲出產之大宗亦宜茄芹芥韭山藥土豆王瓜倭瓜蘿蔔薯蕷胡葵雲豆蒿苳菠蔞胡蘿蔔等類木榆宜柳桑槭牲畜宜騾馬牛羊豕

按河淤之地土質肥而性較寒山岡之地土質瘠而性較燥故窪田不宜穀棉山地不

宜稷稗此又各區之所不同也在人因地制宜而利其利焉

產量及收穫期

開原各鄉農人舊有之計畝法以五尺爲一弓一畝七百二十弓鄉村無弓則以步代之二尋常步爲一步故每值買賣地時必以步量之但步之大小無定不如弓之長短爲有定實皆以二四計算耳現因地價日昂咸以弓計算寬長各二百四十弓爲一畝各種農產品產量多寡雖不同而各地一畝則面積無不同焉比而觀之可得其概略矣

大豆 即六穀中之菽也在穀中顆粒爲最大用途爲最廣爲本境出口土物之大宗肥料最厚之地每一畝可穫粒五六斗並可得豆秸爲燃料穀雨後爲布種期秋分前爲成熟期黃色者爲上青者次之與麥並種一地內者謂之麥茬豆與單種者同惟穫期稍晚產量亦較少

高粱 即蜀黍也爲本境食糧之大宗肥料最厚之地每一畝可穫粒七八斗並可得秫秸百餘束穀雨爲布種期白露後爲成熟期長粒者爲上圓粒者次之圓粒者稍

早長粒者較晚

穀子

即六穀中之粟也亦爲本境食糧之大宗布種不宜過厚有肥料之地每一畝可穫粒六七斗並可得草三百上下斤切以飼騾馬穀雨爲布種期白露後爲成熟期龍爪者爲上白沙穀次之謂之草田收穫較晚

糜子

即六穀中之黍也亦本境食糧之一每一畝可穫粒六七斗且可用其草作秧膠立夏或夏至爲布種期小暑或白霧爲成熟期但收穫不宜晚因其穗疏鬆禽鳥易於啄食也

小麥

古名爲來用磨面粉亦本境食品之一大宗每地一畝可穫粒三四斗麥稭可編織帽與扇並作秧膠清明前後爲布種期中伏爲成熟期有於麥壠溝內兼種大豆者刈麥後始得迅長其收穫期見前

大麥

古名爲麩可用作麵每地一畝可穫粒七八斗清明前後爲布種期初伏爲成熟期亦可兼種豆與小麥同

粳子

即陸稻也爲本境貴重食糧之一每地一畝可穫粒一石春分後爲布種期秋分後爲成熟期惟出米較少每斗粳僅可得四五升色白者爲上紅者次之

稻子

植於水中其米爲粒食中上品每畝平均可穫粒一石五斗每歲四月分秧插田畢水浸之八月爲成熟期本境清河水質清而甘富於輕養二素於稻爲最宜

小豆

分紅白蠶三種亦本境食品之一地有缺苗處可以此補種故布種無定期但在立夏前即不爲晚

菜豆

亦本境食品之一菓商或用製糕每地一畝可穫粒三四斗大暑前爲布種期白露爲成熟期

蕎麥

亦本境食品之一用以磨面每地一畝可穫粒五六斗大暑爲布種期白露後爲成熟期

芝蔴

亦曰脂麻可榨香油亦本境食品之一每地一畝可穫粒三四斗穀雨後爲布種期白露前爲成熟期

蘇子

亦何榨油種於壠頭路側以防馬踐禾稼每地一畝可穫粒四五斗種之雖晚可以早熟

線麻

子可榨油麻可作繩每地一畝可穫子六七斗麻五十斤多種於壠頭及麥地豆地中

青麻

即綦麻也每地一畝可收麻百斤

棉花

本邑惟東境尙有種者然因洋紗之輸入線與布二種用品皆受影響故種者甚少每地一畝約可拾棉四十斤芒種爲布種期秋分爲收穫期

包米

即玉蜀黍也每地一畝可穫米四五斗穀雨爲布種期大暑爲成熟期晚者至處暑始成熟惟東境有在田間種植者他處則於園圃內雜菜蔬種之

果品

開原所需上等果品向皆購自外處本境則惟山村各處有山楂野葡萄山梨榛子山杏沙菓等類其他城鄉各戶不過於階畔墻隅偶有栽葡萄櫻桃桃李杏梨者而已果園之

專設全境無之香瓜西瓜種類甚多銷路亦廣多以皮與瓢之色澤名之多有以田專種者邇來近山農家漸知改良稍習接枝之法所產之楂梨味漸佳實亦漸大城內與城西並多栽植葡萄長者名馬乳葡萄俗名鷄心葡萄圓者名曰草龍珠俗曰圓葡萄皆有紫白二種長而白者味尤甘美各種果品之產量不以畝計故無定率香瓜西瓜若種子土質皆宜一畝地之所得較大田二三倍否則實小味劣雖賤價無人下顧利率反不及農產品矣其成熟期櫻桃在端午節後爲最早杏次之沙果在小暑前香瓜西瓜在大暑前後西瓜稍晚桃李榛子葡萄皆以白露節爲成熟期山楂野葡萄次之

園蔬

菜蔬爲佐酒食之常品人民之視爲需要等於穀食本邑業園藝者除蒜薺秋菘運出最多外菜蔬之品類亦繁開原城址佔地較鄰邑爲廣所有四隅曠土今已悉改爲園圃加以附城相關亦或因獲利較鉅不種穀而種菜約計之已有四五十家近皆得厚利焉各鄉農戶大小不等莫不各有園圃所種以王瓜倭瓜茄子大葱爲最普通次則土豆雲豆

芥菜蘿蔔莴苣亦家家有之若菠菜韭菜芥蒜椒山藥土瓜則間有不種者其產量多寡不同通常皆以斤計算根蔬或採刈數次更有週歲中種植二三次者一年可獲數利就所得利益約計之較大田可增加四五倍而肥料人工之費亦如之故有一畝園十畝田之諺蓋充其量而言之也收穫其亦與大田迥異或於幼穉時期採取出售以佔優先或於成熟後蓄養根漿以留種子又或以遲速別之如早王瓜快雲豆快土豆早韭晚菘類皆是其他針金菜榛蘑黃蘑木耳等山菜本境產出無多姑不贅

林業

森林之利益甚多用固隄防足以禦水患亦其一也我開居清瀝二河之陽相距又甚近每值雨多之歲河水陡漲侵及成垣所宜防也前經奉令造林相度地勢因縣城正南方面爲由城赴站之途未便佔用障礙交通乃於城外東南西南二處先後栽植榆柳各樹六年秋章監督爲推廣造林起見創立林業講習所以講求林業之淺近知識爲實行造林之預備現在東南西南二處所栽各樹歷十餘年漸已成林有此造林地址利而用之

正不難漸著成績也但各區境內依舊濯濯童山趨趨周道尙少佳木之葱蘢雖頻年派員勸導亦未收何效果不過田畔道傍山陬水滢寥寥數株而已即以城北黃龍岡論之前數年間值植樹節地方官必親率僚屬群往植樹以重典禮然至今存活者能有幾株蓋森林警察未設保護無人而樵採牧畜又不時摧殘而蹂躪亦何怪其不蕃衍也除此而外私有之林樹亦不少但不能成大片段林業更難發展僅山塲果樹尙有逐漸改良之望撫而有此者可不加之意乎

水旱蟲災

天災流行何地蔑有農田之災水旱蟲三者是也開原東南境山脈重疊西境遼水經過土質燥涇既不同偶值雨澤不調易有偏災之患舊時習俗旱則禱祖祈雨聚五六村或十餘村農人頭戴柳圈手擊鑼鼓共擡龍駕結隊游行巧遇雨期咸以爲祈禱之靈必演劇酬神謂之謝降不驗則束手聽之而已稍有經驗者或深耕易耨以厚培壟土爲預防旱乾之法尙較差勝水滂之年但以築隄疊壩爲防水之方一家之力不足則按地攤工

培壘修補此外別無良法按水旱致災之故皆與森林有關如境有森林旱時可以蒸發水氣易致雲行而雨施即大雨時行時有宿草敗葉爲之涵蓄而吸收之則水勢可緩亦不致如高屋建瓴急流而下河水之暴漲雖不關此使早能深浚河道掘其淤泥廣其兩岸則壅塞去而容量大何至泛溢橫流爲農業害乎蟲之害苗者其種類甚繁開境內所有之蟲一曰螟一曰蝥一曰蝥一曰賊詩小雅大田章去其螟螣及其蝥賊傳食心曰螟食根曰蝥食節曰賊蝥有二種一種俗呼截蟲身肥色白兼青斑一種俗稱地虻身小頭赤食禾穀初生之芽開境所患此蟲爲多齊民要術謂之虻蝻狀似虻而頭不赤其子在宿草中或由土生化或云用紅屨攪糞散布土中何以滅殺此患更有青蟲黑蟲形似初眠之蠶而小生於五月麥秀時食麥葉及嫩穗或生於六七月間食穀葉食盡本田其他禾苗高粱包米穀子稗粃等每受連及之患諸蟲皆由蛾子而生其先飛蛾產子附於田畔叢草之上一遇雨露皆化爲蟲往見鄉農於蛾初起時積野柴荒草燃火田畔飛蛾見火群飛投入皆焚死或於秋刈後以火燒田邊蒿草以焚上附之蛾子此先期預防即農政

全書所謂燒蛾法也又有當起蟲時於已受害之麥地四周掘土溝深二三尺溝側必直立蟲食麥盡欲移旁地使入溝內不得復上亦臨時防害之法然不如焚蛾之法爲善他若油蟲蜜蟲爲高粱害蝻蟲螻蟲爲豆苗害尙無防禦法惟得驟雨可以摧落

牧畜

人力所不及以牲畜力代子本境各農業家皆以牧畜爲事畜有馬騾牛驢之別其供人驅策騾馬行最速而用力齊價值較昂飼料亦最優厚牛力雖大而行步遲緩價值僅騾馬之半飼料亦較騾馬或減惟驢身小力薄而價值低廉飼料亦最省其糞均可作肥料大概富家耕地較多利用騾馬小戶耕地較少利用牛驢牧養則以牛獲利爲厚蓋騾馬飼料草必穀糶料必用馬梁豆餅牧放之期較少飼牛但有豆箕雜芻即無不可牧放之期亦較多且其滋生速而易俗諺謂乳牛生乳牛三年得五頭誠然此外養豬羊養鷄鴨亦農家最普通之習慣肉均爲最美之食品而豬鬃羊毛鷄鴨卵又皆可易錢飼料隨地可得而不費亦生利之最易者惜我國飼養牲畜之法但知遂其生不知防其患騾馬牛

驢偶生疾病猶有獸醫爲之調治其他家畜生死悉聽其自然遇有各畜癘疫任傳染而無以預防宜人之咸有戒心不復思擴張牧畜之業也注意民生者勿視爲小利而不爲之籌畫焉

農會

開原市農會於清季宣統三年成立舉譚君書紳爲會長嗣於民國二年遵照部頒農會暫行規程由城廂自治會呈請縣署改組爲城廂市農會舉李君祥麟爲正會長全君琢爲副會長三年三月李全二會長辭職由本會會員投票選舉丁君萬錢爲正會長王君文彬爲副會長因常年經費無着以菜市場地皮租充之計地皮租所入每年不過五六百元由丁會長極力進行呈請造林及設農業試驗場後王文彬辭職又舉王葆如爲副會長至民國十三年文監督呈請裁撤十四年縣農會成立舉馬芝田爲正會長高昶爲副會長而市農會歸併焉十五年馬芝田辭職舉崔永銓爲正會長高昶爲副會長十六年崔永銓被選爲省議員高昶繼充正會長王瞭如爲副會長十八年二人辭職公舉王

葆如趙家棟爲正副會長

農林試驗場

民國三年九月奉文飭查土質適宜之地種植洋槐查得有自治會公產一處地址在縣城東門外當經隨案呈請准將此地之一部分撥給農會作種植洋槐之用嗣因試驗各種農產爲農會要圖本邑缺此設置無以勸農功而謀進步乃於四年經丁會長提出農會公議表決即在該地創設農事試驗場適奉省令飭設森林苗圃當時該會爲便利計請准督憲將苗圃附設於農事試驗場由畝捐項下撥給開辦費七百五十元經常費二千零六十四元但欲實行試驗非寬展地面難施其工作乃將以前公產地典出在外者贖回七段以爲試驗用地籌備既定遂於五年四月一號開辦由丁會長兼理場長並聘奉天農林學校完全科畢業學員孫永祥充技術員場內暫分五科曰農藝曰園藝曰蠶桑曰果樹曰森林苗圃但因土質不宜蠶桑果樹二科試驗少成績俟後改良民國十四年場長丁萬錢技師孫永祥辭職趙天清接充場長聘王贊爲技師本年秋季趙天清王贊

辭職趙家棟接充場長仍聘孫永祥充技師後無變動

表列後

工商業

工商業之盛衰視交通之便利阻塞與地方之安靖擾亂爲衡開原地居邊遠風氣未易開通舊時業工商者僅以地方土產爲粗劣之製造微薄之貿易供本境人民之用財力本非雄厚稍遭損失已難復振矣泊乎南滿路成洋貨充溢不啻予華商以最痛之刺激乃漸悟守舊之非宜資本家亦漸次進行知以商戰爲抵制加以交通便利居積者不患無以懋遷土產之運出日多獲利亦厚頗有發達之望惟工業之進展仲復寂寂無聞則實業夙乏之人才無學校以爲培養並無工廠以改良製造故耳工業不興商業亦隨之而受影響非設法以圖進行將何以維持而不敝乎

商會

開原商會肇端於城中公議會公議會者由各行大商號共舉代表集於會場討論全城商界之事宜可否公決之本邑以南街路西關帝廟院內爲會場惟燒商別組織會場於

街火神廟院內謂之燒行公議會清光緒三十二年趙公次珊督奉天令所屬各縣共設商務分會派于良卿爲委員蒞開會同縣令陶霖甫邀集各行代表人勸之成立設置總理一員由會員中公舉之會員十人由各商家公舉之任期二年期滿另舉當時公舉恩貢生高玉堂爲總理劉士傑等十餘人爲會員由縣稟請督憲轉請商部核准立案加札委任並頒給開原商務分會圖計一顆乃取銷公議會名目於本年四月初一日成立商會三十三年高玉堂任滿舉劉士傑接充總理三十四年五月劉士傑病故羅玉璞被舉接充總理宣統元年任滿李夢琴被舉接充總理三年任滿羅玉璞又被舉繼任自此連任至民國二年奉令公佈民國商會法因任期未滿暫仍其舊四年十月期滿導章改組羅玉璞仍被舉爲正會長高玉衡被舉爲副會長會董十二名舉李祥麟王殿卿韓象乾丁萬鍾錢廣起董成化宋景雲劉振東郭啓元郭福堂徐榮卿等充之民國五年高玉衡病故高玉堂復被選爲副會長六年七年羅高二君連任爲正副會長民國八年羅玉璞病故高玉堂被舉爲正會長丁萬鍾被舉爲副會長並選會董二十四員由此至十二年

會長會董均仍舊民國十三年丁萬錢被舉爲正會長韓貞元被舉爲副會長並增選舉會董六員共會董三十員十五年金夢周被舉爲正會長郭紹裔被舉爲副會長十七年金夢周仍爲正會長郭紹裔辭職公舉徐樂卿爲副會長會董人數仍舊會中辦事手緒均遵以前舊章無所變更

附商業之沿革

我開商業清同治以前遠無可考自同治四年境內馬賊蜂起到處焚掠城鄉各商戶咸被摧殘相繼停業至光緒初始復興時法庫門八家鎮尙未設治城鄉各商戶約千餘家至光緒三年由紳商張集蔭譚忻天文會等稟在城西南遼河上游距城五十里之英守屯地方開一船埠經城守尉溥英知縣榮昌轉請蒙准由此英守屯日漸興盛城內糧棧之家均於其地設分號年收大豆由十餘萬石漸增至二十餘萬石商業之發達可爲預卜乃至光緒二十五年中俄新約成立與俄國在東三省修築鐵路權開原正當其路線之衝要俄員依萬年克在開原內購買鐵路用地指定城西南距城十八里之小孫家台

屯創立火車站庚子亂後鐵路告成糧貨之運輸漸舍河而就陸英守屯河口遂受影響
迨光緒三十年日俄戰局終了定立條約俄人讓南滿鐵路與日本遂又爲日本租用地
自此小孫家台日漸擴張不獨本城各商家被其吸收相繼歇業即英守屯河運亦日益
蕭條宣統初年各埠富商多在該站租界內修萬房間開設糧棧及各種商業約計四五
百家凡海龍東豐西豐西安及境內各村糧石均運至小孫家台出售於是開境商務之
中心點遂移於小孫家台車站民國十五年文監督耀齋爲挽回利權計注意經濟之競
爭請准督憲在小孫家台租界東北另闢商埠以求華商各業之發展開豐汽車路亦於
石家台爲起點蓋從前之保守主義已變爲進取主義商業之發達可預卜矣

度量衡

度量衡三者爲民生日用所必需制不畫一奸商遂假以操奇計贏上下其手本境商家
沿用之尺度買賣綢緞布疋均以蘇尺爲標準計十寸爲一尺修築房屋之土木工作均
用營造尺較蘇尺相差十分之二即營造一尺爲蘇尺八寸也所沿用之斗量一斛爲官

斛二十四斛五各糧店買賣糧石皆以斗計算無用斛者惟小孫家台站每值秋收商家爲營業競爭每高擡糧價於量入之斗取償其損失故農家赴站賣糧者每斗必虧折數合而尤以糧米店爲最甚俗稱大斗舖以故交易時多生口角實非商業正軌尙未知何日改良所沿用之斤秤重量爲舊東錢八百六十文即制錢一百四十一枚較他城所用尙不甚差前省政府擬釐定度量衡制以期全省畫一惜爲有力商號暗中阻撓竟未實行畫一之望尙待異日

錢幣

錢幣爲通用交易之具而以本位爲臨時標準清同光以前以現銀爲本位制錢副之現銀以寶排松錠及整錠元寶爲通行品概用市平免換其價值每兩現銀約換制錢十千上下現重量省城銀至開原按九九二核算每百兩掉平八錢有奇制錢以十六文爲一百一百六十四枚爲一千流轉不周皆以市帖爲代用品光緒中葉國家改鑄銀圓輔以銅幣而銅爲本位之制乃進而以銀爲本位始猶以銀圓一圓當市錢七千二百文嗣因

貪鄙商家濫發私幣兌換不能應付人民受騙者過多政府乃嚴行取締一律禁止通行幣制乃以圓角計算而不論制錢矣日俄戰後南滿路運輸日多外貨雲集金鈔各票利權逐漸伸入而本國銀幣間接流溢於外雖有各銀行發行之紙幣及大洋匯兌券流行市面而價格日低百貨騰貴民生之窮困將何以救濟之也

工會

實業興盛之國必工廠製成物品商賈乃有所運輸開原工會舊無分立場所僅燒商於南街火神廟立有燒行公議會然無工會名目至清宣統三年二月開原商務分會奉到部文飭令各縣業藝者創設工務分會選舉總理會員以專責成而資提倡遂召集城內各種工業舖戶舉油行丁萬種爲總理首飾行徐玉魁等九人爲會員擬定章程呈請勸業道轉呈農工商部核准加札委任頒發開原工務分會圖記一顆民國二年丁萬鍾期滿改選徐玉魁接充總理民國三年秋奉令公佈民國商法民國四年遵章改組商會將工務分會取銷歸商務分會合併辦理

硝磺局

開原硝磺局之設由專辦人自籌經費純係營業性質每年除與總局另文包款外按照硝磺原價抽捐二成硝戶私賣硝磺者該局有禁止之權本境產出之硝由該局收入轉售商家年約四千餘斤磺則由省總局照所定官價售領年無定額此項銷路不過備製藥材作花炮薰棉花及玻璃廠之用而已

儲蓄會

地方有財團既可以厚社會經濟之力亦可以備人民不時之需營業中利益最大者也開原儲蓄會自民國六年由地方紳商發起組織地方儲蓄會縣知事章蔭三爲之提倡共集股本數爲一萬股每股三十六圓請准財政廳立案採擇各城地方儲蓄會章程核定簡章辦理開會公舉正會長一名副會長二名嗣因股本不足應用欲增募股本不可得變爲改增每一股數六十圓地方金融頗資活動計各股每年純得利益多不過三分餘少僅一分五六釐近因錢法毛荒普通利率增至二三倍本會各股東所得利益較經

暗受損失據十八年報告書本年股東應得利益每一股分派紅利二十圓零四角視私人自貸者獲利相差甚遠此外有奉天儲蓄分會附設於城內南街暨站內每年出貨不多現因錢法毛荒已停辦

市民水會

即舊日消防隊

前清光緒年間警局奉令添編警察消防兵十名以爲城內人烟稠密不時發生火警爲之預防後因警款支絀乃行取銷民國五年復於城內設立一區保衛團四五十名民國六七年間奉令取銷商務會長高君玉堂改組消防隊每歲由商會津貼洋二千餘元不足由各富戶攤派分五等納捐爲該隊常年經費除購買水龍水桶等器外留消防兵三四十名隊長二員文牘庶務各一員遇有火警則鳴鍾齊集前往撲滅所有城廂商民各戶全由該隊保護後由商務會長丁君萬錢請准上憲將消防隊經費由城內商民各戶之房間收捐並未實行民國十五年由商務會長郭君紹裔乃實行收房捐分三等門市房爲一等每月每間洋八角瓦房爲二等每月每間洋四角草平洋瓦房每月每間洋二

角十六年秋邑紳王君作霖因見消防隊人員甚多面請洪監督裁去十二名後因錢法毛荒經費不足由商會郭會長請准上憲改收現洋歸公款處改款未實行以前人民覺担負過重民國十七年四五月間乃由邑紳趙家幹王作霖那雲鵬等連名呈請省長減輕担負蒙批准取銷現洋仍納奉票由人民會議將消防隊改爲市民水會由市農會商會共同經理並有簡章設主任一員由商務會長担任名譽職不支薪正隊長一員副隊長一員文牘庶務一員兵二十五名以所收房租爲經費有餘則撥商生息以爲購買消防器具之用民國十八年四月因錢法毛荒又增加一倍

各業之優點

本邑西境爲遼河經過之區舊時水患約計十年中可三四次每值水退兩岸淤泥積累漸厚富於滋養性爲日後最好之肥料農人因利用之至春多種大小二麥約百畝中可種三四十畝並可於麥隴下夾種大豆無需糞田而可獲倍利用植他種禾稼亦較平原地爲優良論者謂可補水患之損失洵然

清河橫貫東境水質清澈而味甘美不挾泥沙最宜灌溉稻田舊時華農不諳種稻之法莫能利用無異棄貨於地自前省長王公岷源設置水利局清川一帶農民多僱用韓僑引水試種用工雖較陸田爲多而利可增數倍惟創試伊始未盡能設閘蓄洩猶有意外之慮

東南各區境內山嶺重沓土質多石而瘠薄不宜種植五穀附山各村農每分段以養山柴自信爲得利獨厚殊不知剪除叢雜易植果樹其利更可加倍徒即他項果品未能盡合土宜若山楂香水梨接枝而果繁已經試有成效何妨多植以擴利源况奉海路成尤不慮銷場之不廣輸之不靈焉

全境所產五穀大豆而外以紅梁之產額爲最富各燒商用以爲造酒資料泉水甘美之區所造酒漿味尤香烈城東八顆樹居近清河用其水造酒稱爲全省之冠城內增益湧所造玫瑰酒巴拿瑪全世界賽會列爲四等現爲全省上等贈品由此而擴大之其商業何難發達乎

大豆之產額開境爲最富亦油糧之一種全境出口貨品以此爲大宗各油坊用製豆油以供人民需用近年蘇油日少各家以此爲必需品故境內油坊日漸增益所製豆餅除供全境飼畜外尙可售出三千餘噸惟製油之法仍舊式人工者多能用汽機者尙少亦宜改良而圖進步

清宣統元年本城西街德潤芳書局購買石印器具作刷印法改良之首倡城內各學校所用一切表冊証書等類爭向該號購買二年東街馬書舖接踵起而爭勝民國十五年德潤芳又在南街更設分號南街文勝魁文純久東街文業長亦先後改用石印各聘良工力求精緻舊有之木板刷印至此遂無人復用矣

工業之盛衰視製造品之銷售爲準我開城鄉警甲所用軍衣軍帽暨各學校學生所用之操衣操帽銷路極廣舊有之成衣舖未諳新式莫能製造自清宣統元年城內南街始有軍衣廠一處購買機器改良裁縫法按年二季警學兩界多由該工廠包做現已擴充至四五家皮靴皮鞋銷路亦日漸暢旺近已設豆二三家惟衣帽靴鞋各原料所用布呢

皮革本境未能自製均須由外購入未免輸利於人

工藝場之組織及停辦

清宣統二年秋開邑熱心實業之人集合資本二百二十股每股洋五元共一千一百元舉經理二人設織染兩科聘東洋留學生許慎修爲工師招工徒三十三名僱司書一員開始營業至宣統三年三月經自治會接辦公舉丁萬鍾爲經理因欸不敷用宿債未清協力維持續招入資本五百八十股合洋二千九百元修理房戶添置機器兼償舊債至年終決算頗形虧累然猶冀自治會與陳監督合議設法維持不至停辦詎意民國元年正月于匪之亂損失甚鉅而該場工藝不能復振竟永遠停辦

習藝所教養工廠

清光緒三十二年由保知事輔忱請准設立習藝所附於縣公署內令犯人習藝未二年即停辦民國六年由章知事蔭三請准設立教養工廠以前設嗎啡療養所附於內委羅貴和爲廠長廠內用技師一人文牘一人司事一人庶務一人在石家台創辦

審科至民國八年羅貴和辭職委王毓琪接充廠長又於本廠院內添設木科未及一年因經費支絀停辦木科惟審科仍舊十年六月王毓琪辭職由全璞接充廠長甫數月全璞辭職由王保如接較廠長十一年王保如辭職文知事耀齊因籌款維艱暫行停辦民國十六年洪監督蒞任開原奉令組設教養工廠因無指定的款乃擬由開豐汽車公司營業加收旅客捐以爲經費該公司鑒於附收旅客捐有碍營業遂慨任辦理工廠之責每月由該公司撥洋三千元作爲經費即以城隍廟後院爲廠址此工廠成立之緣起也民國十八年由李縣長奉令改組收歸官辦乃以田房公費及訪紗廠公股紅利作爲開辦營業經常各費並贖自治公產房園等處歸北街路西舊老母廟院內作爲工廠住址重新改造加委公款處主任趙家語爲廠長且因建設期事務繁重又委前三區區長張星南爲副會長相助辦理廠內共設五部即印刷販賣織布縫紉園藝是也本年六月趙家語辭職改委石家台市政公所市董張英文爲廠長九月張英文辭職遂改委石家台市政公所所長關連昌爲廠長現在修繕告竣各科興工工業前途日望進步矣

按不能爲社會生利而但分利於社會者謂之情民是即身無職業而徒享生存之幸福者也開原地處邊陲此類雖居少數然亦勞工時代之一大障礙也考其致此之由厥有數端一爲染嗜好性之所近結黨同趨或烟窟盤桓或花街躑躅犧牲有用之精力以求終日消閒久而習與性成益畏勤勞之難任遂不知職業爲何事矣一爲恃溺愛人情莫不愛其所生聲色貨利之途他人視爲宜禁者父母或從而任縱之即有正當營業亦恐勞苦致傷反聽其漠視而不顧游閒日慣亦不知職業爲何事矣一爲悖獨無告既無父母又鮮親族保護乏人莫能自主遂致身無職業此類雖云罕覯然亦不能盡無也總之教養失宜靈明錮蔽因缺營業之知識故乏競進之精神其惟振興實業提倡勞工或能挽救於萬一乎

各表附後

農產物歷年價格比較表

穀類	民六每斗價目	民十七每斗價目	民十八每斗價目	民六與民十八比較	民十七與民十八比較
高糧	八九八	一八	一二〇	差一〇二	差一〇二
大豆	一、二六二	二八	一二〇	差一八八	差九二
穀子	七五一	一八	九〇	差八九	差七二
小豆	一、一五	三八	一三〇	差二二八	差九二
玉蜀黍	八五一	一七	一一〇	差一〇九	差九三
陸稻	九八	二四	九〇	差八九	差六六
小麥	一七七	六〇	一八〇	差一七八	差二二〇
大麥	七六五	三〇	七〇	差六八九	差四〇

蕎麥	稗子	線子麻	芝麻	黍子	蘇子	磨豆	稻子	糯子	綠豆
八二			二七三						一三九八
二〇	一〇	二四	六六	一八	五〇	二四	二六	二六	五〇
六〇	四〇	六〇	二〇〇	九〇	一二〇	一〇〇	一〇〇	九〇	一四〇
差一五八			差一九七						差一三八 六〇二
差四〇	差三〇	差三六	差一三四	差七二	差七〇	差七六	差七四	差六四	差九〇

備 考

自錢法毛荒以來糧價之昂日增一日茲就所調查糧價比較之僅週歲時期價值有相差六七倍者至少亦不下二三倍惟高糧大豆差數最鉅而閭閻日用所需亦以高糧大豆爲最廣人民之生活概況大可知矣

大豆

一三九八

四〇

六〇〇

九〇〇

黑豆

一六

九〇

九六〇

綠豆

一六

〇〇

七〇〇

赤豆

一六

〇〇

七〇〇

黃豆

五〇

一〇〇

七〇〇

綠豆

一六

九〇

七〇〇

赤豆

一六

〇〇

一九七

二二〇

黃豆

一六

〇〇

一六

綠豆

一六

〇〇

一六

赤豆

一六

〇〇

一六

用酒蒸亦以高麗大日紋量即人與之手游即屬天和賦矣

醫書卷之六十五 醫書卷之六十五 醫書卷之六十五

白豆水手量以來其所以日水二日多其所以日水二日多其所以日水二日多

慈善

天地之大也猶有所憾必欲任時任地任人無不各得其所勢將有所不能然好生之德人具同情惻隱之心理非外鑠有億萬困苦艱難之赤子待極救於風塵即有熱心慈善家分餘潤以爲之援手上可補彼蒼之缺陷下可濟黎庶之阨窮此亦鄉史之光而樂爲稱道者注意民生諸君子可以聞風而興起矣

清河木橋

清光緒三十年日俄之役日軍駐開原彼時城南門外清河僅有柴橋入夏均已圯壞日人嫌往來不便乃於清河渡口自修板橋一座和約既成日軍撤退時將此橋折合工料價賣與開原商務會經理來往行人咸稱便利民國三年清河驟漲水急力猛將木橋冲毀行人胥感困難經商會議決籌款重修請准縣署將冬令柴橋過往糧貨各車每車收橋捐洋一角以爲重修此橋之用民國四年三月購運木料開工興築以從前之橋身過短水大時兩端多患阻隔乃展長爲一百一十餘丈寬一丈費款洋八千餘

元工程未竣又遭六年七月之水災全橋均被冲毀嗣經商會繼續籌款於民國九年六月復行動工修築寬長悉仍舊貫經李祥麟監工至冬告成費款三萬餘元十年又遭水患將橋冲毀因頻耗巨款未能遽議修築直至開豐汽車公司修成清橋人民得借便行走始不病涉十八年春公安局長尹連元以借行汽車橋既難永久又妨危險且由城至橋路線地勢低窪乃籌集鉅貲僱工深浚路溝以通調水道並因長隄中隔行大不便將舊有橋塞移於汽車橋西土木工程甫竣直暑雨連綿河水泛溢橋身雖未斷壞北端已爲冲毀路溝已爲淤平現正擬設法修補云

慶雲石橋

清道光初年本邑商民人等合議集貲購材庀工造木橋於城西門外長三丈餘寬約丈餘以通行旅車馬人民稱便惟木質未能堅久至咸豐時已坍塌邑紳王公廷才於咸豐六年籌集捐款建議重修乃易木質爲石質以圖堅固而謀永遠翌年橋成經六十載有奇橋石漸多欹側民國十年邑紳高君玉堂爲商會總理惧有危險乃庀工重行

修築補其缺殘正其斜欹易其腰梁浚其水洞是年八月工竣較前尤穩固矣

金線河橋

城內東北隅真武廟前舊有木板橋一座係由燒商建置日久失修半就殘朽每值河水稍漲南北岸即不得通行就近人家感不便民國三年邑紳趙君蕪生捐貲另建石橋並令石工刻名於橋石上曰趙氏虹橋

驛路橋

孫家台驛距城十八里以驛路爲通衢脚車行旅來往不斷八里橋屯正當驛路之衝村東有水溝一兩水稍多人即病涉舊有木橋一座久已傾圮民國初年十一月經本邑人募貲建造石橋以便行旅每年修補動驟需人十八年夏大雨時行溝水陡漲又將該橋冲毀聞邑內石碯寺住持僧戒五已預備修補

遼河渡船

六家子善船

西孤家子善船

均詳交通門茲不贅

消防器

邑內人烟稠密民商雜處火警不時恒有欲弭火災必置消防器具清光緒十九年經商人秦惟募捐購置消防器一具仍患不敷應用民國三年又經商會總理羅玉璞募款重新購置一具遇有價警消防隊即將之出救商家亦各遣櫃夥共担水桶前往協助

養濟院

清雍正五年萬公如濟任開原縣知事請准創設養濟院額設孤貧三十四名每名每日領米一倉升大建月領米三倉斗小建月領米二倉斗九升每歲冬每人衣布銀五錢於十月一日按名發給其欸均由正賦題銷原建房六間乾隆五十年經知縣明公亮重修減二間尙餘四間舊在南門外路東今已廢

義塾

屍骸暴露仁人不忍目睹故義瑩亦慈善家所不廢開原於乾隆四十年由官撥給義瑩二段一段十八畝在西門外鬼王廟前一段亦十八畝在東門外農神廟後此外又有十五畝在東門外天齊廟旁爲官玉趙明均等施捨又有十八畝在今北門外係光緒三十一年知縣陶應潤捐俸購置施捨

北街住民岳秀成母錢氏平生勤儉好施疾亟時呼秀成至榻前諄諄切囑曰吾有私蓄田三日在北門外黃龍岡前吾歿後汝可將該地留一日半作祭祖掃墓之用其餘一日半即施捨作公共義瑩使吾開貧無葬地者得有理骨之所錢氏歿後秀成即遵遺囑將該地施捨爲義瑩後欲貨其田以貲另購移近城垣以便城廂各戶公用乃往視黃龍岡前之地他人已葬墳矣竟不果移此民國十六年十一月事也

防疫所

百斯篤爲疫中最毒烈之病預爲防範其禍或容稍減清宣統二年冬開原境內此症發生甚劇十二月由開原縣知事王浣發起先於治城內設立防疫所委警務長鄭宗僑

股員趙國璞喬占九等辦理同時於孫家台站內設立防疫分所並委書紳康季封等辦理四鎮八鄉亦各立防疫分所由縣知事委各鎮鄉自治人員就近辦理

防疫會

宣派三年正月縣境疫症盛行傳染最速經自治會議長羅貴和副議長高玉衡總董書紳董事楊祖榮等稟請成立城廂防疫會會所即設於城廂自治會院內並由王壽山譚襄廷徐璽泉設立分會於城西關

籌賑災區

開原舊時水患惟遼河東岸爲鉅民國元二年曾連遭水滂居民食宿無處甚至日不舉火飢困流離邑紳劉鳳池劉萬昌和秀等設法勸募集得巨款按口放糧徧野嗷鴻賴以生活民國四年遼岸田禾又遭淹沒經縣知事章公蔭三撥給賑款洋二千元請准省憲在城設籌賑事務所正值糧缺價昂賑欸遂形不足復經劉鳳池陳綉文吳連陞王毓琪劉煥章劉萬昌暨商農會等各處勸募捐貲購買糧石放賑三次飢民賴以全

活者甚衆六年暑雨遇多各處水患尤鉅章監督委士紳高玉堂丁萬錢劉鳳池等辦理賑災事務立籌賑事務所於市農會籌捐購糧以賑各地災民境內賴其極救稍紓困阨

出借種糧及担任貸款

屢受水災區域農民貧困尤甚每屆次春播種時至無以備子種邑紳劉鳳池等深悉此患乃於民國三年春謁見開原駐防幫統金萬福勸募捐款二千餘元購買糧石用作災區子種按其地畝多寡借給農民至秋償還寄存商號永爲種糧之接濟並具聯名公稟在縣存案五年春又值凶荒除照舊案將存寄商號原欸借與災區農民購買子種稟明分放外並經章監督請准在省銀行團貸款二萬元由劉鳳池王毓琪羅貴和吳連陞四人出名担保赴省領款發放與農民至秋成後與前所借子種錢一並償還災民得此接濟乃獲安然作業

城廂醫學研究會

醫術關係生命其究研進行尤爲社會之必要開原自宣統二年五月經醫生賈福興等請准在本城設立醫學究研會以會金爲經常費六月開會選舉賈福興爲正會長吳常泰范紹雲爲副會長崔連陞等四人爲評議員三年自治成立移交議事會選舉而議事會停辦醫學研究會亦遂中止五年十一月經章蔭三知事提議繼續前案選舉職員又舉賈福興爲正會長何文緒吳常泰爲副會長袁小山范東霖爲購員崔連陞等四人爲評議員考取學生九十八人名皆本會會員每月初一十五日考試二次

西鎮醫學研究會

民國六年三月西鎮各醫生以道路遙遠川資困乏請准於章蔭三知事在西鎮慶雲堡另創設醫學研究會一處以會金爲經常費選舉王毓琪爲正會長劉增祿王國華爲副會長劉敏齋爲研究長魯廷三吳精一等爲評議員王毓坤崔炳臣等爲調查員會員一百五十人分二班第一星期第三星期研究二次並將研究書刷印分給會員年終即考試研究各項

診療所

民國七年春開邑時疫大作章監督與城內醫學研究會會議擬在城內立醫業學校以謀中醫之發展因籌款未妥而止章監督乃特設診療所於城東街委王毓琪丁萬錢郭紹裔爲醫士純盡義務不支薪水診視後立方書明病狀脈象任期別購藥材由春至秋經六月之久時疫漸稀乃停止

仁愛醫院

開原基督教施醫院於清光緒二十一年成立英人青大衛租賃房屋數間開始爲人療病二十四年乃在禮拜堂院內建修正式醫院二十六年拳匪亂起與教堂均被燬二十七年改租房屋復行成立其醫士爲穆大夫三十一年移男醫院於鐵嶺開原改設女醫院由安平二女大夫施治定名爲仁愛醫院房屋仍係租賃民國七年閔惠普女大夫奉派來開充本院院長十年經牧師何紀三聯絡紳商官警學各界並支會多處贊助捐資購買地基約費千數百元復有庚子賠款六千餘元又費閔大夫募捐三萬

餘元乃於十四年建築現在之正式醫院每歲療治男女病症約萬餘人概不收費近年始收少費

公立施醫院

民國十八年春由開原公安局長伊連元發起組織公立施醫院以施救貧寒患病之人不收藥費並便利因公負傷警察各人員地址暫附於英國仁愛醫院之內以三年爲限待經費充裕再議另行建築其全年經費定爲現洋一千元每年捐助定數公安局長二元分局長課長各一元由局委任各職員各五角共計一百元加入全境甲等農商居戶約九千餘戶各一角共九百元二共現洋一千元由各分局於春季調查戶口時收解隨時發給收捐執照所需薪品由本院將藥資付給仁愛醫院按照各國醫藥通例田外洋購運照章免除捐稅以普通價目七折收費常年以三百五十元爲標準再以三百五十元爲醫師手術費其餘三百元爲印刷及搬運病人之費由公安局發給免費醫治執照於各分局遇有貧人疾病立即發給持照赴院醫治之或遇極貧及

過往無資者僱用抬夫亦不索取工資警工同各納捐之戶持執照赴院治病者亦照免並將收支款項及療病人數每歲報告公安局及縣政府備案

產科學校

產科舊無學校之設况開原地處荒邊更無人知此爲需要婦女遇有產難一任鄉里之穩婆濫行摧殘而已自仁愛醫院設立人始有邀女大夫往救者然城內較便矣四鄉則路阻山川難通音信即車馬馳驅亦多緩不濟急城民生之大患也十八年春由李孫長怡忱安局長及紳商各界聯合發起設校首由理縣長捐廉無募集現大洋一千元作爲籌辦產科學校基金額設學員二十四人伙食書籍紙張筆墨等費均由校內供給暫借仁愛醫院內講堂宿舍爲校址其學員由八區區官及各主副村村長攷送年在二十歲以上三十五歲以下師範或初中高小等學校畢業之婦女或粗識文字素有產科等經驗省爲合格肄業十二月爲畢業期限畢業後分發各區營收生業務校內公推校長一員並聘仁愛醫院閱大夫爲教務長暨專科教授二員均係義務酌

給車馬費計全校經費每歲預算需現大洋二千一百四十八元均由募捐發給

施捨痘漿

李縣長怡忱於民國十八年夏因境男女幼童受痘症傳染久無改良治法乃捐廉現洋四十五元購買最新痘漿五百管並派半施醫院院長王書良代爲依法注射又以霍付分給市民活人不少亂病流行由北平購來一粒金丹數千

施捨棺木

李縣長又於十八年春捐助奉大洋五百爲給貧民及斃匪購買棺木免致屍骸暴露有碍衛生而重人道

補錄義塋

民國五年三月城南大孟家屯孟文源施捨義地一段坐落村東南東西長三十丈零五尺南北寬平均九丈三尺半錢糧自納爲僑居者葬埋骸骨之用

外僑事略

古者閉關自守各國人民至老死不相往來絕少外僑之足跡自交通既便門戶洞開各國之來華者日增而月益始而通商繼而傳教漸且要求以雜居矣政府猶重外交邑詎無事略此亦留心國事者所不容忽也

天主教堂

開原天主教堂於光緒二十一年三月四日成立歷任經理教堂之人有唐神甫裴神甫杜神甫錫神甫葛神甫博神甫其分會在境內者二處一爲西鎮雙樓臺一爲北鄉威遠堡門教民約六百餘人

耶穌教堂

開原耶穌教堂於光緒十五年成立至現在又於境內設分會十三處北鄉爲開原站威遠堡門東鎮爲李家臺大孤家子東南鎮爲馬家寨夏家堡子趙家講大臺西鎮爲新安堡慶雲堡古城堡南鎮爲六寨子高力屯其教內雜費由教友捐助教民約八百五十人

外國醫院

光緒二十三年開原耶穌教堂魏牧師商明老會在城內創設醫院歷任應症者爲青大夫郭大夫慕大夫雍大夫女醫安大夫平大夫每歲療治男女病症約萬餘人近年始收捐資計每歲約五十餘元民國七年閔大夫來開充任院長十年何紀三以華人充牧師聯絡各界並得各支會贊助購置地基成立正式醫院既有庚子賠款六千元以爲的款閔大夫又募捐三萬餘元而費用於以不匱

外國學校

開原自耶穌教會成立教民人數日增然通文字者甚尠教會牧師乃於光緒二十六年立基督教男女學堂各一處自開辦以來男校學生畢業者六十人女校學生畢業者四十人現在男校學生二級共三十人女校學生三級共六十人兩校中外男女教習共七人民國十三年由閔惠普女大夫擔任校董奉基督教育總會來函令各地教會所立學校均呈請備案乃改稱私立第四校又稱文光學校統歸省縣各視學一禮視察現又請

款於英國老會以一年初中改爲三年初中以期與縣立各初中統歸一律云

庚子教案

光緒二十六年各地義和拳起仇視天主耶穌二教會教士教民多遭慘殺開原南街天主教與東街耶穌教堂同時焚毀逮和約既成盛京將軍增因辦理奉天全省教民賠撫各案奏調分省候補道彭英甲候補道徐境第與天主教會主耶穌教會收師傅多瑪商訂約規光緒二十八年前後簽押自此仇教之風息惟此項約規爲各地方民教相安之根據關係至重時將兩案約章附後

奉天全省天主教案約章

大法國欽差全權大臣呂暨頭等參贊賈

大清國奉天

將軍增
府尹玉

派辦教案

候補道彭爲公立合同事奉天
候補道徐

因光緒二十六年拳匪之亂除天主教堂被毀早由大賠款內辦結教民恤賠款項一百四十萬兩由耶穌主教辦結另立約章外至外國教士貞女被害教士墳地被挖等情應歸

駐京法國欽差經奉天

將軍府尹

派員來京商辦茲因奉天籌款萬分爲難百般商議極力核

減至減無可再減議定凡奉天天主教外外國教士人命挖墳修墳一切大小事體一律

完結共賠奉天瀋陽平銀四萬兩整由法國欽差自行斟酌作爲補償及設修仁慈院所

之用不與奉天相干賠款銀定於光緒二十九年二月初由奉天將軍兌交駐京法國欽

差收領寄與收據存案惟戕害主教紀隆實可慘恨擬將瀋陽教堂東隔壁民地一段共

二畝多地由將軍發官價買交教堂作爲紀隆紀念祠堂至被挖外國教士墳地五座須

仿照山西辦法立碑五座每碑帶亭儘一千銀之數爲度五角碑共銀五千兩由將軍派

公正賢員或求彭道監視並地方官妥爲照料而免差錯碑亭外繪圖樣明年興工至戕

害紀隆正凶拳匪劉喜祿張岔牙子等既已懲辦多名爲從者一律免究如由將軍查再

有拳匪正凶應安律辦其餘無請何事一概完結眼同大清國外務部由大法國欽差呂

與大清國奉天辦教案委員候補道

彭英甲
徐境第

等訂立合同各籤字書押繕寫中外文約三分

法國欽差收執一分中國外務部收執一分奉天

將軍府尹

收執一分存案備查教民仍是中

國百姓俟後遇有詞訟案件仍由各地方官不分民教按律辦理特附約章之末

奉天全省耶穌教卹賠成案

總辦奉天耶穌教案花翎分省補用道彭

總辦奉天交涉事務花翎候補知府李暨關東耶穌教長老會牧師傅爲會

總辦奉天交涉事務花翎四品銜候補知恩

同辦理奉天全省耶穌教民前被拳匪殘殺搶掠各案如數議結訂立合同存案備查事

伏查此案

校涉總局
耶穌教會

均願和平完結惟求永遠相安不得再有翻悔糾纏等事耶穌教會素

以傳道爲主並不追究拳匪殺害教民之罪亦不向官府索賠人命之款即應賠償教民所失各項亦願從減折扣委因大亂之後人心未安民困舒未不忍過事苛求是以公同議定此次賠款不可攤派於民請旨由官籌給爲此訂立完案章程十二條籤押後由

軍督
撫尹

憲通飭奉天全鎮旗民各地方官立案以備互相遵照謹將詳細章程列後

一條除焚毀各處教堂歸大賠款另辦外統計議定由官籌給濟平銀五十七萬兩整作

爲撫卹孤苦並賠償教民所失之田房財產牲畜車輛器具樹株貨物以及捐罰銀錢等項分限三年賠清另附交還日期表於後

二條賠償款項不可攤派於民須由

將軍撫尹

奏明究應如何籌辦之處敬候請旨遵行

三條賠款歸傅多瑪由奉天交涉局至期提收轉分與教民如傅多瑪有回國離奉之時揀派別人代理須先知會交涉局查照以專責成

四條此次議定恤賠教民款項原係公同商妥爲日後民教永遠和睦起見若被害之家再有指稱所失房田財產等情控告者是與此次議結合同相背且恐因此又激他變現在公同議定自此次賠恤之後一概不准再以前事控告至從前拳匪爲首之犯已經懲辦多名今體教會恕仇善念其餘一律免究以釋嫌怨

五條教民妻女有被匪徒竊佔者由教堂牧師函知地方官查明迫回如有違不交按律治以應得之罪

六條教民房田並當紅契文約有查入抄官及被匪竊佔者由教堂開單報官迅速查明

分別追還有失落房田稅契等類文約邀同地保中證暨原賣主公同報明另立新契
粘尾免稅如非二十六年失落之契仍照例納稅均不准差役需索分文更有因亂時
被匪逼將房田典出已得錢者仍須備原價贖回不准少給典價亦不准霸不客贖其
不願贖者聽之

七條拳匪殺害人命教會以恕仇爲主情願不索賠償分文但念無辜受害遺下寡婦孤
兒無可存活於賠款內由教會自行酌量撥資撫育以示體恤

八條教民所欠新陳錢糧稅務照章完納不得以遭亂藉口抗不繳納如有故意恃抗
欠者准地方官照例追完至應攤官項銀錢除迎神賽會照章不攤外其餘善舉及各
項差徭仍須照常攤納以睦鄉鄰而尊國體

九條教民平民均係中國赤子自此次立約之後務要彼此相安永歸和好如有不平之
事務須呈請地方官秉公訊斷不准私自尋仇爭鬪具呈時亦不准書寫教民字樣違
者不理堂訊時宜遵國法長跪聽審違者治罪地方官亦宜持平辦理如有曉諭亦不

得獨分別教民百姓字樣至教民如有恃教抗官干預公事者准地方官查明實在劣跡知會該管牧師訊實立革出教歸案懲辦至地方官與各教士尤宜互相親敬以期遇事易辦彼此泯猜疑之見

十條議定將此合同繕寫五分由交涉局蓋用印信督撫憲備案各一分交涉局一分彭道一分耶穌會一分收存備查以昭大信

十一條約章籤押後由督撫憲通飭奉天全省旗民各地方官印發立案以旗咸知所守十二條於二十七年六月二十六日羅牧師到奉後甲官先行籌借市銀三千兩原爲墊村教會用度現因議結奉天全省耶穌教案各牧師均能共體時艱和平商議極力核減深堪嘉尙所有前頃銀三千兩毋庸在於五十七萬兩內扣留作爲賞與教民以表彼此和睦之誼而昭督撫憲愛民如子之心也

補誌

日本公學堂

小孫台租界地內日人先由昌圖尋常高等小學分設開原特別學級中國學生班至民國三年公學堂乃成立學生四級共一百五十人其教授課程爲修身中國文日本語算術地理歷史理科圖畫手工唱哥體操縫紉外並設商業一科所用教習中國人居大半規模日漸擴張民國十八年已有學生八級共二百三十七人總計由校畢業者商補科及高級共一百四十二人十七年度歲費共一萬九千五百二十八元

總務處擬設法以維持現狀如有特收款項...

一、辦理教育行政機關之設立...

二、辦理教育行政機關之經費...

三、辦理教育行政機關之組織...

四、辦理教育行政機關之訓練...

五、辦理教育行政機關之監督...

六、辦理教育行政機關之考核...

七、辦理教育行政機關之獎勵...

八、辦理教育行政機關之懲戒...

九、辦理教育行政機關之其他事項...

十、辦理教育行政機關之其他事項...

小縣官民學校內日人式由昌國縣高小學校...

災異

日食星隕古代目之爲天變臨民者或責己求言徹樂減饌以弭之自科學發明務求
賢驗推測真相幾疑古人爲多事矣然能借此以修省補闕勤政卹民未嘗無裨益於
群黎也開原自設治以來災異時見輯而志之用以重民生而籌補救云爾豈取其怪
異驚人耳目哉

元

至元二十七年開元路饑

二十九年閏六月雨雹

元貞二年十二月旱

七年雨水壞田廬

大德七年六月大水壞田廬男女死者甚多

皇慶元年風雹害稼

延祐六年六月水

七年九月三河溢沒民田害廬舍

泰定元年咸平府清遼二河合流失故道隳堤堰

致和元年六月開元路水

大寧三年七月雨雹

明

天順元年春開原城南門外池中忽生黃蓮花朵大如盤鮮研異常成化十三年四月壬戌大雨雪畜多凍死

宏治三年春二月有火墜城中俄化爲鴉百餘沿城施繞次日災人畜死者甚多

正德元年春三月大風屋瓦皆飛晝晦如夜

嘉慶六年春空中有火大如車輪

十六年夏大水壞廬舍人畜溺死禾稼淹沒

萬曆四十六年閏四月丁丑夜殷家莊堡臺杆八同時燼係錄舊志未詳何解

清

康熙三十二年禾稼不登

三十四年旱

雍正五年夏大旱

十年夏青雲騰於龍岡自朝至日中方取

嘉慶三年夏大水

二十五年夏六月城內金綫河忽生鯽魚長尺餘色白味鮮邑人間有捕得者是冬有虎自城西北隅墻圯處入城選獵戶斃之

道光元年夏民多疫

十二年夏水城西南隅墻圯數丈壓死者十餘人

十三年春二月天鼓鳴星隕於三道關大如輪

十七年冬有異獸入城似犬莫能名夜始見

二十六年夏大水清澗河溢匯於南支流爲河

二十九年秋大風雨連日不止損稼大半

咸豐三年冬桃杏華

五年夏民殃於疫

六年夏大雨河水泛漲平地深尺餘衝沒田禾壞廬舍人畜漂溺

七年秋九月癸巳自朝至夕天氣昏暗日色紅如火夜半月赤如火衆星隱有一星傍月
微明

咸豐九年旱

同治元年春夏大疫

光緒元年八月大雪

光緒九年五月大雪

光緒十五年五月黑風折樹天色晝暗

光緒二十年大疫

光緒二十七年虫傷禾稼

二十八年大疫

三十年遼河水溢

三十一年疫

宣統二年冬百斯篤時疫盛行人死甚多

二年秋遼河大水

三年秋雨冰雹樹木盡折

四年秋遼河大水壞民房屋飢民甚多

五年夏七月城西雨雹傷禾稼

民國六年遼清瀝三河大水淹沒廬舍禾稼

七年瘟疫流行死者甚衆

九年八月雨雪

十五年大旱

十八年秋大水損害民田甚多

二十一年...

二十二年...

二十三年...

二十五年...

二十八年...

三十一年...

三十二年...

三十三年...

雜錄

邊地之流風閭閻之習尙既已分門別類載之各編矣更有特別事項出尋常意想外者雖瑣屑不經無關輕重然錄之亦可以廣見聞若迷信舊說荒渺謠傳則皆削刪而不錄蓋所以正人心而崇實際也

塢中異蛇

乾隆間有大蛇蜿蜒塢上隱現無常一日探身飲於清河目光如電口紅似血有礮手某見之遽舉鎗遙擊火未發忽霹靂一聲大雨驟至蛇亦不見後永不復出咸以爲事屬訛傳至民國十八年又有小學校學生數人共見塔頂有蛇盤繞數匝始信前說不誣但不知仍係前見之蛇否

天齊古像

東關之天齊廟建於乾隆年間先是有耄年道士在其旁架木爲棚常施茶水以濟行人茶資向不計較以故土人多與之來往一日正於棚側鋤菜覺其下堅硬下類土質訝之

鄰近人聞其異爭來力掘及出乃天齊神像也於是始即其地以立廟

虬髯丈人

沈坦若吳人也業醫遠遊至洞庭失舟遂登君山行松石間偶逢一虬髯丈人貌甚奇古與之語極相浹洽因邀沈至其居設饌饗之叩所學則才兼文武詢以姓氏笑不答但曰開原籍沈居三月臨行餽贖頗厚並贈一詩曰不願扶餘老此身漫從河海寄修鱗知交若問停雲處莫道虬髯是主人後沈赴吉林過邑具道其事或曰鍾離昧之流二說未知孰是事在康熙年間

正直爲神

清公韓寧正藍蒙古人由中書出宰本邑到任後除陋規惜民命緝盜賊內外肅然有古循吏風一夜城隍廟住持某聞人馬喧雜聲傳呼新成隍上任某隨衆入殿瞻仰見座上衣冠而端坐者乃現任縣尊也大驚疑凌晨始知清公即於是夕仙逝論者謂神也者聰明正直之謂如清公者死爲明神事雖異而可信

猴兒山石

猴兒山在邑東柴河溝內距城二百一十里有石峭立高丈餘形如猴然山下則茅屋數椽酒帘斜挂有題詩於壁者曰野賓何故踞層嶺石鱗生成不計年爲愛東山花果美道成終自上西天

野豬結陣

邑東南一帶林密山深禽獸繁殖即野豬一種多者數百口大者數百觔族居之地累枝作窟上實中空以下爲門戶名曰葉魯每遇獵人時則結隊前進強大者在前弱小者居中警備極嚴往往無恙

熊遭奇劫

邑東南山森林極多伐木者咸結茅爲屋以爲食宿之所一日有木工某人入山工作以斧劈大木僅及半而食時至因以橛塞其隙而去及歸見一熊跨木上力拔橛狀甚惶急既而木橛出腎囊已入隙中木工遽以斧斫之遂斃

雙虎記

柴河溝金家窩舖村內設有豬店一所以碾石爲圈門中有一孔一夜有虎向圈覓豬因進猛頭入碾孔搖擺不脫奔去斃於路旁又有某旗員查邊宿採蔬窩舖從人見官已眠皆散去有出邀人觴叙者歸已醺然及入門瞥見一人蹲牖間作竊聽狀某疑爲同伴摑之忽大吼一聲毀間穿屋而去旣乃怡悟爲虎也

虎口餘生

王生名鴻儒東山老虎峪人性倜儻豪放不羈值歲暮城入購物以備新年之需沽酒數觔盛以豬脬背負而行且行且吟吟曰人郡躬先折逢人手必又忽項後大吼一聲似有物掠頭而過初駭極神稍定見脬破酒流乃見一虎奔去始靦然曰是猶惡醉而強酒將爲酒食者所鄙

兄弟打虎

道光二十六年四月邑東馬市堡東村有農人某晝臥隴畔甫起欲鋤田忽一虎來撲某

惶極忽以田器力擊之中虎首立仆適其兄至并力連擊虎始斃明日負虎入城出鬻人談及聞者猶凜凜焉

野豬入城

道光二十九年四月十五日忽一野豬自西城墻圯處突入衆逐之遂奔出至邑西劉家屯爲村人所獲重二百八十餘觔

神水

咸豐初元城內慈聖寺之古榆枝間忽滴青汁如銅漏然居民以器承之以洗瘡痛輒有奇効因號曰神水

鐘異

城內鐘樓之銅鐘乃崇壽寺之古物也樓下素爲開市摩肩擊轂行人至夜不紀一日微雨初晴夕陽欲下鐘忽自樓上飛墜並未傷及一人衆咸稱異嘉慶十八年七月十八日事也

五桂聯芳

武生都隆阿姓瓜爾佳氏係清初肅毅公之裔世居邑東郎家坎子生子五人餘祥呈祥均文生柏祥吉祥文祥後改斌祥中武進士均武生一時欽爲家慶咸豐三年秋邑士紳人等公送五桂聯芳匾額榜其門楣過者榮之

五世同堂

賈雲江邑南山岡堡人道光二十五年九十歲加恩賜八品職咸豐元年九十六歲時子守玉孫兆盛曾孫元善玄孫慶祥五世同堂當路奏聞晉賜七品職並輔國杖朝匾龍頭杖各一

老翁失髮

光緒癸巳徐煥章茂才設帳於西街城隍廟值中秋放假師徒咸歸家館僮亦因事告歸乃覓一叟某代守門戶年約六十餘有趙生性喜靜獨居館中時將屈郡試適程唐二生因赴試過城亦在館寄宿館舍蟹蟲極多叟畏擾自於堂中支板爲床以熟睡至夜半忽

從板床躍下抱首狂呼類瘋癲狀衆警起燭之見頭上失去髮一縷痕大如錢轉詢之叟但言恍惚間見一人以口舐其顛云

拳匪吞噬

光緒庚子拳匪肇亂駐邑之法師爲鄧某大肆淫威地方官晉謁皆須行拜跪禮日惟從事焚掠慘殺教民無算一日有昌圖曹法師者突率衆數百蜂擁至開聲稱鄧係假冒與師致討遂擒而戮之於城隍廟前此殆所謂小巫見大巫者歟

小兒倖生

民國六年秋本邑大水被災甚重威遠堡門外船房村有某姓者一家三口當水至時聯木板爲筏共登之未幾筏覆夫婦均溺斃只剩一小兒於巨浪中得木檣抱之順流而下至邑西英城子村因兩岸多柳茅方淤止焉村人救之乃獲生全

蓮渚重開

尙陽堡村東舊有蓮花泡八景中所稱蓮渚薰風即指此地前數十年間已淤爲平地業

經報領升科開爲田畝忽於民國十八年六月間因大雨時行山水陡下竟仍陷爲水池據該村人言面積照舊時尺寸不差事頗可異迷信者謂爲靈龜移出多年而復還則無稽之談矣

關樂山先生傳

張翰香稿

先生開原南瓜台子人姓關氏諱銘貴樂山其字也其容莊然其氣岸然望之矍矍然即之則翬翬然性捐介仁慈與人落落不相合不如意者擯不與交言遇戚族有恩遭其喪未嘗不哭哭輒數日不針也謹禮防制行嚴雖盛暑不去衣冠時然後言思而後行小有過如芒刺在背必急去之愛國心熱時共知己者譚天下事竟日無勦色禮貌不少衰一道及國恥輒扼腕歎欷而不能已也少從塾師學制藝易之竺耆古文辭奔藏名家集甚富嘗手巨帙朱丹幾徧則所鈔韓文也沈酣玩味如啜太羹飲元酒臥且吟而餐且餉焉塾師頻規之終不改時人雖非笑之先生毅如也見峨其冠錦其衣斤斤以入泮折桂及第稱者去之如將浼焉一日喟然長歎曰學貴實用文以載道烏庸是虛車爲哉今日應

學者亦已多矣徒硜硜於鞿悅僣僣於衿纓何其昧也遂輟無何科舉罷新學興歷業於奉天方言館北京高等警務南京大學已而二次革命起金陵騷然大軍訇然蠶擁而入萬口喧騰遇北人誅無赦幸得脫未離難微服遶里謁世父增久公曰中國鈔竄日矣求學其東渡乎增久公嘉其志之堅也許之慨然而東攷人明治大學以爲願得償志得酬矣洎四年畢業將授証書例得內金先生倡議堅不內衆皆從當事者深銜之後衆皆私內以去作取高官之券矣先生終不肯內竟憤懣於色遶終日坐斗室口不出言足不涉園忽忽若喪其偶時而百感交集泣下盡然憤畢疾書畢而火之室人不知何謂也某日鼯瞰初上田家正忙跣足出家人舉不知也徒步走南數十里抵王廣福屯投友人王君家略露謝絕人世意友未覺欲留之奈於嫂竟不肯留乃西行渡遼河放聲長號草木垂泣音穿林表淚洒河干怒髮上衝冠見者駭愕問之不富緣蹊行數里將造一邨駐足低回者良久越部婁踞山要四無人烟薛荔周市翠柏蒼松鬱然森秀先生揚身坐石上足踏杜若目送行雲右手把七首左手執周易二弓泰然若自得者遂自剄目不瞑面如生

時夕陽在山紅霞成彩白雲欲眠窮巷羊邊空山鵲噪會一田娘顧蔬麓下見一綫紅光自上下流朔易反照中幻成異色適適然警歸白諸鄉友人耳之至淚涔涔下曰嗟乎此吾故人關樂山也別吾家甫幾時耳孰料其竟至是哉幽冥之中負吾故人矣疾遣伴報其家家人大臨田田失聲莫能興諸兒頓失所恩搶地號咷痴然猶冀其能生還也長兄某率人往負之出殯而歸殮如儀民國七年四月四日也停數日葬於先人墓次享年三十有四天乎惜哉取陶氏子女各一子四齡女年十二方就學

張翰香曰先生殤後鄉人莫不惋悼之而無稽之言以起或曰噫狂疾也或曰惜哉溝瀆之諒也則亦有然者矣然而未知先生也先生之志之學之境遇之抱負固迥然有異於常人者志未酬學未展境遇不順抱負不得施甯爲玉碎勿爲瓦全固大丈夫事也較諸世之翫歲惕日乘堅策肥國亡而不知恥民困而不知蘇甘心媚外以苟全覩然食息於人間猶恃富貴以驕人者何如哉余垂卅時嘗從先生學不相面者餘十年矣嗣結縉陶氏重以葭莩之親急欲謀一晤先生欲晤余也尤殷殷而卒未果乃相去不過十里是可

憾也故爲之傳以攄吾哀抑非止吾一人之私哀也已

